



DUVANSKA MAFIJA OŠTETILI BUDŽET ZA 8 MILIONA KM Privedena 33 lica

Uvezili duvan u listu Osumnjičeni su od marta do juna ove godine iz Srbije u BiH uvezli više od 220 tona duvana u listu, koji nije akcizni proizvod i za njega se ne plaćaju carine i druge dažbine, a nakon uvoza su ga sitnili i preprodavali na teritoriji BiH

Snježana Karić
Sarajevo

Pripadnici SIPA priveli su juče 33 lica, među kojima i jednu službenicu Uprave za indirektno oporezivanje BiH, koji su osumnjičeni da su krijumčarenjem duvana državni budžet oštetili za više od 18 miliona maraka! U akciji je zaplijenjeno više od 15 tona duvana, kao i 15 mašina za sječenje duvana, te razni drugi predmeti stečeni nelegalnom prodajom ove visokotarifne akcizne robe.

Ne želeći da govori o imenima uhapšenih osoba, Mehmedalija Osmić, šef Odsjeka UIO BiH za sprovođenje propisa u Regionalnom centru Tuzla, koji je ujedno prvi čovjek u štabu koji rukovodi akcijom "List", potvrdio je za Press da se među privrednicima nalazi i jedna njihova službenica, koja je osumnjičena da je radila u dosluhu sa švercerima duvana u BiH.

Sabotirala akciju

- Privedena službenica, iako nije bila visokopozicionirana u UIO BiH, imala je pristup službenim podacima o istrazi. Utvrđeno je da je ona, između ostalog, duvanskoj mafiji da-

vala dokumentaciju i tajne podatke o istrazi koja se vodi protiv njih. Takođe, imamo podatke da je ta službenica pokušala da osujeti policijsku akciju "List", ali u tome nije uspjela, što pokazuje našu opredijeljenost i dobru pripremljenost da stanemo u kraj svim nelegalnim aktivnostima u BiH - istakao je Osmić.

On je dodao da je osumnjičena službenica za "posao" špijuna dobijala određene novčane naknade, ali nije mogao precizirati o kojoj sumi je riječ.

Osmić je istakao da je akcija "List" počela rano ujutro na širem području opština Mostar, Ljubuški, Široki Brijeg, Posušje, Grude, Ljubinje, Šamac, Brčko, Maglaj i Bijeljina i da su u nju, osim SIPA i UIO BiH, uključeni i Tužilaštvo BiH, te policije RS i pojedinih kantona iz FBiH.

Prevara

Ratko Kovačević, portparol UIO BiH, rekao je da je ova akcija pripremana nekoliko mjeseci i da je istraga pokazala da su osumnjičeni samo od marta do juna ove godine iz Srbije u BiH uvezli više od 220 tona duvana, koji nije bio zakoniti prometovan, jer na njega nisu plaćeni akcize i

PDV. Objasnio je da je prevarena rađena tako što su osumnjičeni u BiH uvezli duvan u listu, koji inače nije akcizni proizvod i za njega se ne plaćaju carine i druge dažbine. Nakon što uvezu duvan u listu, oni su ga sitnili i dalje preprodavali na teritoriji BiH.

- Rezani duvan je akcizna roba i za njega se moraju plaćati carina i PDV, a upravo to su privedeni izbjegli, uvozeći duvan u listu - pojasnio je Kovačević.

On je istakao da su zajedno s drugim bezbjednosnim agencijama u BiH od početka ove godine izveli više manjih akcija koje su bile usmjerene na nezakoniti uvoz duvana, ali da one nisu bile direktno povezane s jučerašnjom.

Prema nezvaničnim informacijama, država je na svakom kilogramu duvana koji je osumnjičena grupa prodavala oštećena za oko 80 maraka neplaćenih dažbina. Iz toga proizlazi da su akcizne obaveze za tonu duvana iznosile oko 80.000 KM i tako je, nezakonitim aktivnostima i utajom akciza, država oštećena za više od 18 miliona KM.

Ni u Tužilaštvu BiH juče nisu željeli da govore o imenima

uhapšenih, ističući da će detalje moći saopštiti tek nakon što donesu odluku o njihovom daljnjem statusu.

Jožićeva: Organizovani kriminal

Kristina Jožić, portparolka SIPA, rekla je juče da će osumnjičene osobe biti ispitane, nakon čega će državni tužilac odlučiti o njihovom daljnjem statusu. Dodala je da je osumnjičenicima stavljeno na teret krivično djelo organizovani kriminal u vezi s krivičnim djelom poreska utaja ili prevara, zloupotreba službenog položaja ili ovlašćenja, te primanje i davanje poklona i drugih oblika koristi.

- U akciju je bilo uključeno više stotina službenika SIPA i UIO BiH, a pripadnici organizovane kriminalne grupe dovedeni su u vezu s krijumčarenjem visokotarifnih roba u BiH, odnosno nezakonitim prometom duvana u listu i sječenog duvana - rekla je Jožićeva.


Page: 10

Reach: 0

Country: BOSNIA AND HERZEGOVINA

Size: 380 cm2

2 / 2



U AKCIJI UČESTVOVALA SIPA Privođenje jednog od osumnjičenih



ZAPLIJENJENO 15 TONA DUVANA Izbjegli plaćanje akcize i PDV-a